



KENYATAAN MEDIA

JABATAN PENGANGKUTAN JALAN

PENGUNAAN *BEACON LIGHT* / *STROBE LIGHT* SECARA HARAM

Jabatan Pengangkutan Jalan (JPJ) Malaysia menerima aduan berhubung isu penggunaan **lampu mata arah (*Beacon Light*)** dan **lampu strob (*Strobe Light*)** pada kenderaan persendirian tanpa kebenaran Jabatan. Hasil semakan pangkalan data JPJ mendapati, bermula **Januari hingga Oktober 2022**, sebanyak **1,223 kenderaan** (pelbagai kategori) telah diambil tindakan oleh JPJ dengan **jumlah notis sebanyak 2,319** kerana menggunakan **lampu mata arah (*Beacon Light*)** dan **lampu strob (*Strobe Light*)** tanpa kebenaran Jabatan.

Untuk makluman, ***Beacon Light*** bermaksud **satu lampu amaran khas** yang memancarkan cahaya berkelip yang berterusan **berwarna biru, merah, biru dan merah atau amber** dan dikategorikan sebagai **komponen aksesori di atas bumbung sesebuah kenderaan**. Sementara itu, ***Strobe Light*** bermaksud **sejenis lampu khusus berwarna biru**, yang menghasilkan siri pancaran cahaya pendek dan terang yang berterusan, dan dikategorikan sebagai **komponen aksesori** yang lazimnya dibina serta dipasang di dalam **papan pemuka kereta (*dashboard*)**. Lampu amaran khas ini dipasang bagi bertujuan menarik perhatian pengguna jalan raya untuk **memberitahu akan kehadirannya**, sekaligus mendapatkan **hak untuk menyurui kenderaan di atas jalan raya (*disperse the traffic*)**.

Sayugia dimaklumkan, hanya kenderaan Jabatan/Agensi yang diwartakan di bawah Akta 333 sahaja, yang mana terlibat secara langsung dengan tugas-tugas kecemasan dan penguatkuasaan, iaitu seperti **kenderaan ambulans, kereta Jabatan Bomba, kenderaan Jabatan Kastam, kenderaan Jabatan Polis, kenderaan Jabatan Penjara dan kenderaan JPJ** sahaja, yang dibenarkan untuk mendapat hak laluan kenderaan lain di jalan raya dengan cara **membunyikan siren** dan **hon dua-nada** dengan syarat pemandu kenderaan tersebut tidak memandu secara merbahaya, cuai atau tidak bertimbang rasa, sebagaimana peruntukan di bawah **Kaedah 9, Kaedah-kaedah Lalu Lintas Jalan 1959**.

Sehubungan dengan itu, sebarang pemasangan lampu seperti *Beacon Light* ataupun *Strobe Light* pada kenderaan tanpa kebenaran JPJ, adalah **TIDAK DIBENARKAN**, kerana pancaran cahaya dan tatacara penggunaannya boleh mengelirukan pengguna-pengguna jalan raya yang lain, yang secara jelas telah melakukan kesalahan di bawah **Kaedah 94, Kaedah-Kaedah Kereta Motor (Pembinaan dan Penggunaan) 1959.170/59**, dan boleh diambil tindakan tegas di bawah **Akta 333, JPJ**.

**KETUA PENGARAH
JABATAN PENGANGKUTAN JALAN
MALAYSIA**

23 NOVEMBER 2022

LAMPIRAN

CONTOH LAMPU *STROBE LIGHT*



CONTOH LAMPU *BEACON LIGHT*

